

Nuorttanaste

»Gæca dam Ibmel labba,
gutte mailme saddo guodda!»

»Son dagai rafhe su ruosa
varai bokte.»

No. 24.

13. jakkegærdde.

»Nuorttanaste» maksa ovta kruvna jakko
dagast, blædde dinggujuvvu juokke poasta-
rappe bokte.

30. December 1911.

»Nuorttanaste» olgusboatta guovte garde
manost — dam 15ad ja dam 30ad bæive
juokke manost.

Holaš-odda jage

savvap mi buok „Nuorttanaste“
doalledi ja lokkedi. Gitto boares
jage oudast.

Aige divrasvutta.

„Ja engel vuornoi, atte aige
i galga šat æmbo læt.“ Alm.
10, 6.

I læk mikkege, mi læ nuft
divras go aigge. Ibmel læ ad-
dam migjidi ællemaigge, ja dat
goččujuvvui min arbmoaigen, ja
son sitta, atte mi dam galggap
riekta adnet. Mi ferttep ovta
gærde logo dakkat min aiggamek
oudast.

Mutto goas adnep mi aigga-
mek riehta?

1. Mi adnep aiggamek riehta
vuostačedin go mi silomek bestu-
jume occat. Dat læ dat, mi buok
oudemus læ dabašlaš. Jesus cel-
ki: „Oček vuost Ibmel rika ja
dam vanhurskesvuoda, de maidai
buok dak digjidi addujuvvjek.“
Math 6, 33. Moft læ dal duina
rakis lokke? Lækgo don occam
Ibmela rika? Don daidak læk
ællam dam mailmest manga jage,
daidak don læt 60 daihe 70 ja-
ge boares. Moft læ dal du sie-
loin? Daida dat jakke man sisa
don dal læk loaidastam læt du
maņemus jakke dam mailmest.
Barga juo occat Ibmel rika dam
bale go aigge læ.

2. Mi adnep aiggamek riehta,
go ærai avke bivddep. Mi æp
galga ællet dušše ješječamek diti
— ječamek havskodallama ja ma-
ilme ællema navdašæme diti, æp-
ge mi galga ællet riggodaga (ma-

mona) čoaaggem diti; mutto mi
galggap navcaidæmek mielde væ-
ketet min vaivaš lagamuža, ja mi
galggap mielde læt dam bajedam
bargost, mi læ manga lakai min
aige darbašlaš.

Ja erinoamačet læ okta ašše,
mi læ darbašlaš min aigege, na-
malassi miššon daihe evangelium
videdæbme mailmest. Juokke
kristalaš berre dovddat vaimostes
viggama evangelium videdæbmai
sikke dabe min rikast Norgast
nuftgo maidai bakenædnamin.
Kristalaš viellja ja oabba, mi
berrep ječa barggat sarnotet olb-
muid kristalašvuoda guvllui nuft
gukkas go mi ollip. Ja mi ber-
rep bigjat rudaidæme mannat e-
vangelium videdæbmai. Dača
kristalažai gaskast gævdujek dak,
gæk logadasa addek miššoni sin
timestusast.

Moft læ mingnim, rakis lok-
kek? Lækgo mi daina jagin,
maid læp vasetam dabe ædnam
alde maidege dakkam lagamuža-
mek væketet rumašlašat ja vuoi-
ņalažat. Juokke kristalaš, gutte
aige duššas manata šadda dam
gatat, go son ællema ækkedboddo
ragjai olle. Ja go su ællem læ
loappam, ja jos son dalle pæral-
poartai siskabællai oažžo loaitas-
tet, de læ su kruono spalčas,
æi læk mavsolaš gædge ja čuovg-
ge naste dam alde. Manne? Dai-
nago son i ovtage dolvvum van-
hurskesvuoda gæino ala. I boa-
de oktage bestujuvvum siello su
oudald ja cælke sudnji: „Don
legjek dak gaskaoabme, maid Ib-
mel ani mu bestujubmai. Du sa-
nek viggategje mu occat sillom
bestujume.“

Profet Daniel cælka: „Mut-
to jiermalažat galggek baittet,
nuftgo alme gomovuotta baitta, ja
si gudek dolvvu daid ædnagid
vanhurskesvutti, nuftgo nastek a-
galažat ja alelassi.“ Dan. 12, 3.

Girkok dal rabastuvvu- jek nissonsardnedegjidi.

Dam maņeb aiggai læ ollo
læmaš sardnujuvvum ja čallujuv-
vum girkoi rabastæme birra nis-
son-sardnedegjidi. Nissonak ož-
žuk dal kristalaš sarnid doaliat
girkoin, maidai ožžek si miššon-
foredragaid doallat ja manai ba-
jagšesema birra, juošvuoda vuo-
stai sardnedet j. n. v. Æi miet-
tam buok statsraada lattok dasa,
atte nissonidi addujuvvu dat sëm-
ma friavuotta girkoin sardnedet
go olbmaidi. Statsminister Konow,
statsraadak Berge, Darre-Jensen
ja Bull legje mielde, mutto Qvig-
stad, Irgens, Brenne, Holstmark
ja Scheel legje vuostai.

Statsraad Qvigstad læi jær-
ram Norga bismain ja dam theo-
logalaš falkultetast, maid si dam
aše harrai arvvallegje ja læi ož-
žum čuovvovaš vastadusa:

Bisma Bang læi garraset
vuostai. Son læi ouddandoallam
atte dat læi Ibmel sane vuostai
rappat girko nisson-sarnidi.

Bisma Bøkmange i læm
miedas dasa, atte nissonak bajas-
rakadusaid dollek girkoin.

Bisma Brun arvvali, atte
jos nissonak girkoi bessek sard-
nedet, de dasa æi liko dak olb-
muk, gæk kristalašvuoda mielde
læk.

Bisma Dietrichson celki, at-

te dak gačaldak bigju særvegod-di arvvalusai vuollai.

Bisma Schjelderup fast arvvala atte nissonidi min aige berre sëmma vuoiggadvuotta addujuvvut girkoidi go jottesardnedægjidi.

Bisma Eriksen læi garraset vuostai atte nissonak bessek papalaš ammati, mutto miedai dasa, atte si ožžuk bajasrakadusaid doallat.

Ænas casse dam theologalaš falkultetast legje dam oaivvelest atte nissonin sëmma vuoiggadvuotta galgga læt go olbmain. Dušše professor Ilen i miettam dasa.

Okta ucca boddoš

De læ dal fast okta jakke vassam. Man dadde aigge manna! Buok læ dušše ucca boddoš. Dam sane sattep mi bagjelčalan bigjat juokke lagan dili bagjel dabe ædnam alde.

Dat heivve mannavuoda aiggai. Man dat havskes jagek legje oanekaža! Nuft maidai nuorruvuoda aigge. Ouddal go mi riehta aicaimek, læi dat vassam. Ja min olmaivuoda akke, dalle go mi riehta de galgaim barggat — illa mi riftes algo ala bæsaime ouddal go datge jagek legje mannam.

Ja nuft buok dingaiguim illo mi bodi migjidi hærvas čuovg-gasin ja nuotaiguim, dat finai min lutte dušše oanekažat; morraša suoivanak čuvvu dam lavgga jodcagin — mutto moraš ješ, vuoi man dat dadde oroi bistemen. Ja almaken, go mi manas gæčastet, æpgo mi dalle fertte cækket, atte maidai moraš bisti ucca boddoča. Okti goit galggap mi dam sëmma bagjelčallag bigjat maidai morraš ala.

Okta ucca boddoš
Dat læ okta duodalaš sadne — mim ællem — min barggamaigge — min dilalašvuodak burid doaimatet — buok læ dušše okta ucca boddoš. Dat duottavuotta berreši viggatet min viššalvutti gierdavašvutti ja illoi. Farga šadda cækket, farga boatta vuoinadus.

Ucca boddoš vel ja de boat-

ta min bæste. Dat vuostas časkastak almostusa bielloin čuogja farga bagjel ædnama. Gi dietta?

Lækgo min goallok buollemem? Lægo olljo dai siste? Lækgo min giedak fria, nuft atte mi sattep daid su vuostai geiggit go son boatta.

Okta ucca boddoš! soatte, gillamuš, buok læ oadne; mutto agalaš læ vuoitto ja illo.

Moft læk don

adnam du ællemad?

De læi muttom odda jage æk- ked, girkkobiellok legje hæittam čuog- jamest, olbmuk manne sidaidæsesek, ja buok šuddedæbme læi gæinoi alde jaskodam. Jaskesvuotta ja akked vuotta læi dalle. Gaskaija aige čužu- di okta olmai, gutte læi juo laka 60 jage boares. Son gæčai dam čæppis muolda ala ječas birra ja daid šærrades nasti ala, mak su oaive bajabæ- de legje, ja dak jurddagak bakkijegje su sisa atte su havdde læi aibas lakka. Son læi juo vagjolam lakka 60 jage ja legje vel dušše moadde lavke sust, ja son jærai aldesteš: Moft læk don adnam du ællemad, mai don læk guoddam manabællai? Su jurddagak manne manas gidda su mannavuoda ragjai, dallego su vanhema- divvo su ouddi valjema ællem vuostas ruossagæino gurri, ja legje čæjetam dam gæino, mi doalvo dam čnyggis ædnami ja gost læ hærvvarasek, maid æi satte guoskatet duolvva giedar- guoim — ja dat nubbe, gost čuoja- nas i goassege gavdnu, mutto gost gavveles gærbmašak birastattek olb- mujuokkelakai. Son aibaši ja savai: Vare mon nuorra fast, vare mon fast satačim ođđasist valddet mu ællem valjema ja čuovvot daid sanid, maid mi vanhema bigje mu vaino ala. Son jurdaši dai oloki ala, gæk legje nuorran oktanaga suina. Muttomin legje likkolaš sidak, ærak fast legje olbmui oapatægjek, ja ærain fast legje sin dakkamušak, buokak legje ædnami avken. Doppijuvvum æpped- vuodast dovdai son gatamuš germaš bane gaskemen dam have, mi su dovddoi læi rapasam: Boađe fast nuorruvuoda aigge, boađe fast! Mutto doavotesvuotta šlavggi su æmbo ja æmbo. De čokki son buok sielos dam garrasæmus cæppadusa siste ja čuorvci: Boađe fast nuorruvuotta! ja

dat bođi — dastgo dak buok læi dušše okta niekko, dastgo son sati vela valjet dam šuvvggis gæino. — — —

Brævva „Nuorttanastai“.

Dat jage loappa muittal mig- jidi loapa birra buok min ællem jagin ja beivin. Mutto dušše dam bæive ja dimo æp diede mi. Dam dietta dušše Ibmel ješ, gutte min beivid ja boddoid oaidna ollogo dak ain læk, mak su ar- most læk mærræduvvum migjidi. Lokkamættomidi læmaš dat jakke loappam buok armo beividi sikke gukken ja lakka. Mutto mi læp ain sestujuvvum su armost; dai- nago son rakista min, ige ane miela suddolažai dubmit; dastgo jagi ja arbmo beivi loappa doalvo min Hærra duomostuolo ouddi. Mutto de læ jæraldak dabe, moft dobbe galggap bissot; dastgo Hærra læ vanhurskes, son dubme sæstæcætta suddolažaid, sin, gudek dabe læk su rakisvuoda bag- jelgæčcam, go son falai mietta sin arbmo-beivid bestujume sigji- di su rakis barnes bokte; mutto æi si dattom jorggalet ja osko siste bataret bæstesek lusa, oud- dal go loappa bodi sin beivin.

Damditi rakkasidam miel- lonestuvvum vieljak ja oabbak, lekop mi, gæk vela ain læp dam divras arbmo aigest vissasæbbo go dak ædnagak, gudek sin ar- moaigesek nuft skievttatæbmen ol- gusellek ja oažalaš havskodallami siste ja loappa boatta fakka hæv- vanemin. Agalašvuoda ided bi- rastatti sin loapataga helvetest, go dabe æi fuollam armost bestu- jume, mi læi fallujuvvum mietta sin armo-beivid ja jagid.

Dam have hæittam. Dær- vuodak must buokaidi, gudek læk alme Kanani matkoštæmen. Allet di nimmor matke vaivalaš- vuodast. Mi goastap galle, go Hærra læ ješ min bæle. Ja buok æppeoskolažaidi savam mon duot- ta jorggalæme Jesusa lusa oud- dalgo armo-aigge loapa.

Mon læm buoca ællam bag- jel 2 mano, dal læm adabuš.

Johan Erik Soffa.

Dinggo „Nuorttanaste!“

Hirbmos garradalkek

læk juovilla-vakkost læmaš Nuortta-Atlanter abest. Portugal, Frankrika ja Engelanda gadin læk ædnag forlisak læmaš ja ollo olbmuk læk duššam

Min ædnam olbmuiin læk dam jage arvo mielde 500 olbma duššam mæra ala. Manga dalo læk, mak ocalek boadnja, ače, vielja ja barne.

Nælgehætte Ruošædnamest.

Okta Londonest asse ruošalaš gavppeolmai, gutte gieskat læ jottam Ruošædnamest muittala dorvotesvuoda dili birra ollo baiken dobbe. 8 provinsast læ nælgehætte ja davdda. Manak jabmek nælggai skuvlabænkai ala. Papak væke bivddek.

Kakao kaffa sajest.

Dal go kaffa læ divras, læk ædnagak alggam adnet kakao kaffe sajest. Si vuššek kakao thæja, ja dat gartta sagga halbebun go kaffa, ja læ maidai sagga dørvasebbo jukkamuš.

Maid Amerika riggasæmus nišson cælkka Amerika birra

Garra duomo læ Amerika riggasæmus nišson, mrs. Hetty Green cælkkan su ædnames ja olbmoides bagjel. Dat boares nišson, gutte læ bagjel 70 jage, celki Amerika læ ruttastoango ænam, obba dam ædnamest suoladuvvu hirbmosæmuš lakai, ja i gavdnu gal dat dingga, maid Amerikanalaš i daga ruđa oudast. Vela bahab læ dat guocca betolašvuotta, dat læ dam amerikanalaš bærašællema duššadubme. I gavdnu šat Newjorgast oktage riftes sida. Nišsonak adnek buok sin aigesek ja buok ruđaid, maid nagadek skappot, činaid hakat ja činadet ja havskodallat, ja dalloallamest si čei ane fuola. Boadnja ja manak ferttijek hermetik borrat. Boadnja diettalas sutta, moarre cakkana parragode gaski ja loappa æranemin, ja dat læge buoremus, dast go muđoi šaddašegje boadnjak mirkotuvvut dam biergost, mi hermetikka littin læ.

Dam lakkai muittala dat nišson Amerika birra. Jogoson min ædnamestge i gavdnu muttom vehaš sæmmalagan

Oopatægje A. Larsen

læ čallam ovta girje (muittalusgirje) Samegilli, mi dal læ prenteduvvumen Kristianiast. Dat læ vuostas girje,

mi læ Samegilli čalluvvum. Ja mist læ hui garra hallo dam bæssat oaidnet ja lokkat.

Kristianiast

čokkajegje juovllaruotta-ija 116 olbmuk jukki arestast, vuostas juovllabæive-ija 31 ja nybbe juovllabæive-ija 30. Dam maņemus 2 bæive oudal juovlaid botte 90 vaiddalusa bagjelduolbmami birra. Bassebeiviu legje oktibuok 20 daggar vaiddalusa. Vuostas juovllabæive-ija legje 67 vistetemi arestain.

Nælgoiga jamas vaiko suitiga lakka 300,000 kr.

Tuiskalandast jamiga gieskat okta boares giellaopataægje oktæn meidaines. Soai leiga manga jage ællam stuoremus vaivašvuodast ja varnotesvuodast. Mæsta juo eliga aibas borakætta, ja vierrogaibbedægjek legje aigga juo hæittam sodnost væro gaibbedæmest; dastgo dat læi čielgas atte æba soai suittam maidege. Go soai læiga jabnam de doatarak gavdatte soai læiga nælggum jamas.

Maņgel go læiga havddaduvvum de gavdne olbmuk seंगा vuolde 3 eigarkassast 300,000 marke. Okta testamenta maidai gavdnui, ja dast čuožoi, atte ruđak galgge skenkkiuvvut guovte spiri suogjalam-særvvai Berlin ja Breslau gavpugest. Almos læ, atte soai læba oaiveldam, atte spirik darbašek buorreb ællema go olbmuk.

„Nuorttanaste“

boatta maidai boatte jage. Nuft gukka go G. F. Lund, gutte dam 13 jage læ čallam blađe nagada, de læ son redaktor; mutto go son i nagad de šadda vissa nuft atte Ovla-Andras bigju redatoran.

Boatte nummara rajest orosta blađe (hæitta boattenest) daidi, gæk æi læk maksam dam jakkegærde. Doaimateket danditi makset, di gæk lepet vælgas ožžum blađe. Ja lifči maidai buorre jos dak ærakge gæk ain halidek blađe doallat mavsašegje oudeb munest.

„Sagai Muittalægje.“

Nuftgo mi diettep læ «S. M.» dal hæittam olgusboattenest. Dak harvek doallin, gæk læk maksam «S. M.» gukkelidi ga jage loppi, ožžuk «Nuorttanaste» nuft gukkas go si lif-

či galggam «Sagai Muittalægje» oažžot. Mi jakkep, atte si dasa duttek. Æi lækge go jure harvve, gæk læk maksam «S. M.» gukkebuidi go dam jage loppi.

Makset dal «Nuorttanaste»

amas orostet.

De læ dal «Nuorttanaste» fast okto baccam vægjolet Sumeædnam vuonai ja duoddarčeroi gaskas. Dal algga blađe su 14ad jakkegærdes. Guokte skippara læ «Nn»s dam aigest læmaš, mutto dal læba boabbašagak vaibbam, jos mi nu oažžot dagjat.

«Sagai Muittalægje» lifči gal ain boattam goit ovta jage vel, jos dam blađe čalle i lifči buoccam.

Soabalažat læba «Nn» ja «S. M.» ovtast barggam daid jagid go dat læba olgusboattam. Æba dat læk — nuftgo mi darogiel blađid davja oaidnep — vuostaibarggam goabbagguoimesga.

Okta varalaš lokomotiv

(dollavavdno).

Statakassa læ ferttim makset 14,000 kruvna dolla vahag oudast Kongsvinger ja Smaalenen bana alde. Dollavahag læ šaddam dam daid čuonamid gæčeld, maid dollavavdno olgusčollu jottem vuolde. Drammen ja Kongsberglinjast cakketuuvui okta mi mavsi stata vuovddebullenkassi 24,000 kruvna. Ja okta lokomotiv cakketi ovta bæive 14 dollabuollema. Lækgo don goassege gullam gaggar dollačollo mašina?

Dat muittota mudnji šladdares olbmuid — olbmak ja nišsonak; mak væggek vistegaskaid ja bigjek dola buollet duobe dabe, ja mi fargga šadda stuora dollan. Dat vahag læ stuores, mi šadda šladdares olbmuid gæčeld. Dat læ billedam nuft ollo stuora ja buore doaimatusaid, ja jos statakassa galgaši daid olgusgoloid makset, de dat i obba cævcašige. Bija čuonangiddestaga lokomotivi ja njalbmekeorga šladdares olbmuid!

Kina

læ dal šaddam republikkan. Presidenta namma dr. Sun Yat Sen. Mutto læ ballamest, atte mašotesvuotta dobbe šadda bistet; dastgo læk ædnagag ain, gæk gonagasa bæle dollek. Ollo varra læ dam jage Kinast golg-

gam.

Okta gukkes matke

Okta pappa Londonest muittala čuovvovaža:

Muttom bieive vižžujuvvujim mon ovta nisson lusa, gutte læl jabmemen. Mon gavdnim su roakkad ja ilolaš oskost Jesus Kristus ala, ja mon jerrim sust, moft son su bæstes læi gavdnam.

Lokkama bokte, vastedi son, ja son geiggi munji ovta čoakkai gurpujuvvum bapirbitta.

Mon lokkim ja oidnim, atte dat læi okta bitta muttom amerikanalaš blađest, mi sistesdoalai ovta sarne, maid muttom pappa Londonest læi doallam. Dat læi šaddam gaskaabmen su bestujubmai.

»Moft læk don ožžom dam bapirbitta« jerrim mon.

»Dat læi addujuvvum giesaldakan ovta paka birra, mi muduji bođi Australiast.«

Ibmela gäinok læk vissaset imašlažak. Okta sardne dollujuvvu Londonest, bajasvalddujuvvu muttom amerikanalaš blađđai, boatta mañnel Australiast, saddijuvvu dobbe fast Engelandi, gissujuvvum ovta paka birra ja buok dai räisoi mañnel bukta dat armo ja bestujume saga dam nissoni.

Duođaid, Ibmel sadne i maca guorosen ruoktot. Ef. 55,11.

Stuora mirkutus Berlinast.

Kommuna šitatem i vistest Berlin gavpugest, masa šittek 4—5000 olbmu, fuomašuvvui muttom ija dast gieskat, atte muttom oadđemlanjast luibme olbmuk garraset. Uvsak rappujuvvujegje, ja dobbe gavdnujegje mangas gæk juo legje jabmemen.

Doaktarak vižžujuvvuje ja si gavdne, atte dak olbmuk legje mirkutuvvum. Sin gillamuš læi hirmus. Doaktarak gæččalegje pomppet mirku olgus ja mielke jugatet, mutto læi i-la mañed mangasi. Muttomak jabme doaktari giedai gaski. Hospitalaidi dolvvujuvvuje muttomak. Ovta ija jabme 15. Dal læk gavdnam, atte dak sitates olmuok læk borram mirkutuvvum salledid, maid halbes haddai læk oastam ouddal go sisa manne. Dam ragjai galgek læt jabman oktibuok 63 olbmu.

Soai oapasmuvaiga farga.

Okta nuorra nieidda Løddingast manai ovta bæive kaja ala, go dam-pa »Erling Jarl« bođi dasa. Okta pasišiera guovllali dampa ruovda bagjel ja jærrali dam nieidast, atte aiggogo son mannat sudnji moarssen ja čuovvot su mielde Kristianiai. Nieidda i læm su oaidnam goassege oudal; mutto læi daddeke mielast čuovvot su mielde. Son čuovoi su Troandem ragjai, gosa soai bođiga ucca juovllaekked. Mutto de javkai irgge, gargedidiedostge. Gaskavakko dolvvujuvvui nieidda politikammari muttom nissonest, guite arneti dam nieida bagjel ja valdi su juovllaguossen. Dal læk muttom buorek olbmuk valdam dam nieida haldosæsek. Nieidda læ dušše 17 jage boares ja hui čabad oaidnet. Su vanhema læk jabman, æčče læi bivde ja dallodoalle.

Famoláš suobman.

Okta ruotalaš giellapappa David Munch, Rosenscholdast, gutte jami 1840, læi dovdos su hirmmadlaš garra suobmama diti. Ovta sevdnjis ija galgai son rasta ovta ovta joga, ja čurvvu satolaža gutte asai nubbe bældi joga, mutto olmai i boattam olgus. De čurvvu pappa nubbadassi ja difti «r» garraset čuogjat. Oktan manost njuiki sattolaš bajas. Son gadi atte bajan dat čerggi.

Stuora buollem Kristianiast.

Okta fabriikka buli gieskad oaiyvegavpugest. Vabag rekinastujuvvu balle miljon kruvna ouddi. Olbmuk gal čei vahagattujuvvum.

Okta boares einostægje

læ sardnom čuovvovažat dam boattevaš dalve birra:

December loapast oazžop mi ollo muottag. Dast mañas gidda 8. januar ragjai galgek šaddat garra dalvebæivek ia garra buollašak ijaid. ja 8ad ja gidda 16ad ragjai garra arvve. Æska dam 21. ja 22. oazžop dam stuora muottagaččama, mi rakad æska dam riftes dalve šaņa, ja dam daton rajest gidda 7id februar ragjai šadda bistevaš dalve-dalkke. Dam 7id ja 11ad sëmna manost oazžop mi stuora muottagaččama ja garrasëmus buollaša, ja dam aige rajest gidda mano loppi oazžop mi molsolaš dalkid ja bivval, mi i daddeke billed vuogjemšaņa. Marsa

algost oazžop mi boalašlagaš beivid, mak bistek gidda 18ad ragjai. -- 18. rajest gidda 26ad marsa ragjai oazžop mi maicca dalve ja arvve, mi læ gida alggo.

Dal diettep mi dam birra, mutto mi dattop diodet, atte einostægje i læk mikkege professoraid. —

Spanskalaš gaddo osko

Olggoednam avisak muittalek ovta fastes færana birra, mi læ læmaš dam spanskalaš gavpugest, Almeirast, gost 2 nisson ja 5 olbma čužžo rievte oudast sivatallujuvvum ašalažžan fastes sorbmemi ovta ucca manašest. Dai spanskalaš bondi læ hirmos ollo gaddo-osko ja diettemættonvuotta. Okta olmai læi gukka buoccam, ja son ja su akka ocaiga rađe muttom kvaksalvatin. Dak kvaksalvarak dagje olbmai, atte son i matte dærvasimuvvut, jos son i oaffaruš-ovta mana visses mæreduvvum cermoniai voolde. Okta nisson lopedi skappot ovta mana 750 pesædes oudast, ja dat buocce olmai vuvddi su gaicaides dam sëmna oazžom diti. Okta mana suoladuvvui ja oaffaruš-sujuvvui.

Aica dam!

Mon oastam buokslai nakid buoremus haddai, muftgo čevrrarieberan, buoiddag-, gusa-, galbe- ja saveanakid. Rutta saddijuvvu dallanaga go nakid læm vuostaivalddam.

Juokkehaš gutte sadde nakid berre čielggaset čallet namas.

Nakek saddijuvvujek daina adressain:

Agent

Nils Gundersen,
Heimgard pr. Sigerfjord.

Christopher Troye ^A/_s
Bergen

Telegramadressa: Sildtroye

vuostaivaldda vuovdemi salledid, gulid, saltejuvvum dorskid, hakafarppalid, liävse, boccubiergo, rievtsakid, luobmanid ja nakid juokke sortast.

Rutta saddijuvvu jottelet ja rehalažat.

Salte ja farppalak læk ælelassi vuovddet.

»Nuorttanaste« čalle, prenttejegje ja olgus-adde læ G. F. Lund, Sigerfjorast, Vesteraalen